


平陸縣圖誌歌略

附砥柱賦八賢八景詩

1290

平陸縣略圖



## 平陸縣圖誌歌畧序

嘗讀瀛寰全志知世界之大物產之富人文之進化政治之隆替方輿紀物歲有異同研究史地學者正茫如煙海矣余學不出戶智不及遠何敢管蠡窺測癡人說夢卽鄉圖邑乘所載聖賢嘉言懿行名勝古蹟亦無從分析撫衷自問慙愧良多戊申歲游學伊川課餘集平陸圖誌截長補短編成俚歌俾鄉里學塾訓蒙之需數月辛勤始付剞劂挂漏之譏在所不免復將辛亥兵燹實況暨底柱賦八賢八景各律詩依次附入非敢云承先啓後亦希聖希賢之意質諸高明尙祈隨時指謬是爲之序

中華民國十二年一月五日倬雲王從龍序於平陸城東村忍耐書屋

## 圖誌歌畧

一

### 平陸大觀樓楹聯 邑人王從龍撰並書

稽古溯前朝且莫說唐堯虞舜夏禹商湯卽如巢父耕田許由洗耳傳巖版築秦相飯牛天地聚精英五千年人文蔚起

舉杯邀過客試來聽燕語鶯譟松聲竹韻環顧終南翠靄太華雲飛砥柱濤翻鳴條雪霽煙霞浮日月九萬里風景齊收

# 平陸縣圖誌歌畧 邑人王從龍著

|      |      |      |      |
|------|------|------|------|
| 平陸一邑 | 虞國古稱 | 晉獻滅之 | 太陽命名 |
| 漢仍舊制 | 郡屬河東 | 更河北縣 | 魏太和中 |
| 隋初郡廢 | 唐屬蒲坡 | 貞觀元年 | 又改屬陝 |
| 迨及天寶 | 新河開通 | 掘得鐵鐮 | 古代所銘 |
| 上鑄平陸 | 因此名從 | 金屬解州 | 歷代相同 |
| 民國定制 | 外官三級 | 府州并裁 | 數載於茲 |

府廳州縣誌平陸古虞國舜之後封於虞晉獻公滅虞改爲太陽邑秦爲河東郡地漢爲太陽縣魏太和二年改爲河北郡縣隋初郡廢唐改屬蒲州貞觀元年又改屬陝州天寶三年陝州轉運使李齊物開通三門新河掘得古鐮

## 圖誌歌畧

二

上鑄平陸二字（見農政全書）因此改爲平陸五代宋皆因之金改屬解州元清相沿共和後外官制分省道縣三級始脫離州屬

|      |      |      |      |
|------|------|------|------|
| 地形如梭 | 東西最寬 | 山西管轄 | 偏隅西南 |
| 鳴條北簪 | 大河南環 | 芮城在西 | 垣曲居東 |
| 北界安夏 | 鹽池運城 | 西北解梁 | 商業最豐 |
| 大河東南 | 陝州對岸 | 晉師滅虢 | 假道一綫 |
| 虢滅虞亡 | 璧乘俱還 | 唇齒相依 | 前車之鑒 |

縣在山西省西南隅條山之陽礪山帶河東西長二百三十里南北袤七十三里形如絨梭西至芮城界五十里東至垣曲界一百八十里北至安邑青石槽八十里東北至夏縣三橋坡八十里西北至解縣橫嶺四十里南至河南

陝州城五里東南界河南邇池西南界河南靈寶均以河水爲界縣城至河東城六十里至省城一千里至京師二千五百里

城偏境西 如箕如斗 內城三門 西面山阻

外城蜿蜒 明季所築 澗水引入 到處環流

城偏境西依山靠水因形勢而建西城僅依山脚故缺其門外城曲折數里通便門七明嘉靖時建

集市鎮店 茅津巨推 潞鹽運道 晉豫通衢

張店張峪 八政中張 葛趙洪池 常樂西張

水陸口岸 洪陽太陽 茅津白浪 險要須防

三門隆冬 聚冰成梁 南通陝澗 負販來往

茅津在城東二十里水陸要隘爲晉南門戶時有重兵駐

# 圖誌歌畧

三

防洪陽太陽車村白浪皆渡河口岸

民田額數 約三千頃 共徵糧石 萬三千零

折爲丁耗 將及兩萬 年清年解 民無拖歎

糧分三坊 人賢二賢 商津志過 德政韓澗

高平鹽莊 興郭祁店 甲頭收納 分兩忙完

倉谷額數 萬四千石 義倉豐備 各鄉籌辦

賦丁歲徵一萬九百有奇民收官解向分八里三坊二庄每甲各舉甲頭收納籽粒外戶由縣署催收

官驛六十 另有專款 差徭無幾 悉數免完

支差官驛向累於民前清光緒五年浙紳金福增觀察捐購牲口三十頭前縣令劉鴻達又勸里民捐購三十頭輪流交支至今里民頌之

畝捐每兩 加錢五分 隨糧徵解 路礦本金

商稅酒課 花斗捐金 照章抽收 裕國便民

畝捐因庚子賠款並

購福公司路礦所加

民商各戶 萬六千四 男丁記數 四七三三

女口記數 三萬七千 九四有九 兒童差參

分改四區 九十七村 共分閭數 六百五六

與前比較 加增一倍 生息休養 農業爲最

平陸戶口本甚蕃滋自遭有清光緒大役後僅存九千餘

戶三萬七千九百餘口四十年來生息休養戶較前倍增

計民商各戶一萬六千四百男女共八萬五千二百七十

九丁口

# 圖誌歌畧

四

防守兵丁 平垣綠營 近時改制 陸軍巡警

平垣營遊擊一員馬步兵弁八百駐紮茅車分防垣曲夏

縣芮城等處民國以警察代防時有陸津分駐

辛亥仲秋 武昌起義 秦晉響應 戊馬遍地

秦攻河東 清守潼關 戰爭數月 禍災蔓延

清軍駐紮 秦兵來虞 虞虢之間 礮火相持

烟雲彈雨 十二循環 生民困苦 不忍重言

清軍渡河 秦兵敗走 死傷遍野 流離失所

共和詔布 民慶再生 痛定恩痛 處處凋零

秦軍起義後與清軍相持於潼關之間數月十月十

三日秦軍克河東分兵守河臘月一號秦清兩軍隔河激

戰十二日清軍渡河秦軍敗北死八十餘人悞傷百姓十  
七人被災者甚多

古聖先賢 巢父許由 箕山勝跡 洗耳長流

許由字武仲陽城槐里人堯讓天下於由由逃耕嵩嶽潁  
水之陽堯又招之由不欲聞洗耳於潁水其友巢父牽犢  
欲飲見由洗耳問其故恐汚犢口牽犢上流飲之舊誌虞  
人

商相傅聖 說命三篇 高宗夢得 版築之間

早作霖雨 羹作梅鹽 用作舟楫 可濟巨川

傳說商明相武丁卽位恭默思道夢得聖人以形求之得  
於版築之野果聖人拜爲相作說命三篇輔弼武丁商祚  
中興

圖誌歌畧

五

秦國賢相 名百里奚 爲晉媵臣 不諫於虞

秦贖於楚 五羊之皮 號稱五羖 槐下村居

炊扈烹鷄 臨別寒荆 秦右庶長 其子孟明

百里奚虞大夫晉假道奚知虞公不可諫後被虜爲晉媵  
臣逃於楚穆公聞之舉於牛口之下授以國政秦人頌之  
號五羖大夫臨行妻以雌鷄作饑乏薪以扈屋炊之後相  
秦妻爲潯婦在廊下歌扈屋始相聚其  
子孟明爲秦右庶長

宮之奇者 諫虞不聽 虞將亡矣 以其族行

宮之奇虞大夫晉假道  
滅繼諫之不聽而去

蜀漢將軍 義勇周倉 西祁村中 祠宇輝煌

周倉證義勇遇關壯謬於臥牛山屢建大功壯繆被害遂死之西祁村乃故里後立廟祀焉

唐宋元明 代有賢人 二十世紀 菁莪絕倫

唐竇靜趙仁本張守珪張獻恭宋王繼勳金張仁機元靖與曾明吳鵬敦王濟民李虞慶清荆如棠范三綱全卜年社濱杜若拙冀文錦周延祜柴從矩王南軒諸人

佳景堪述 砥柱崔巍 禹鑿三門 分人鬼神

閒田讓畔 虞芮二君 條山積雪 晚渡茅津

金鷄夜月 吳廟風清 塋馬圪塔 虞阪茅亭

鐵牛鎮水 傅巖彰名 箕山晚照 望雨虞城

以上皆平陸之名蹟勝景

# 圖誌歌畧

六

土地饒薄 麥穀種良 大稷之後 多爲荒蕪

栽桑養魚 宜牧牛羊 集股牧蓄 可致富強

東山礦產 煤炭石膏 不諳新法 獲利微毛

民俗勤儉 禹德所型 質直敦樸 唐代遺風

粗衣淡飯 稼穡務農 盡力南畝 織紉頗工

三綱五常 人倫爲宗 教育普及 日趨文明

婦女裹足 相沿成風 漸次天足 脫離酷刑

以上皆平陸之物產風俗

歌編四字 發啓童蒙 愛國愛鄉 希聖希賢

奉親教子 兄友弟恭 見義勇爲 見善則從

跋予望之 日起有功 高明指示 勿棄愚蠢

# 砥柱賦

并序

王從龍撰

民國十稔余由京師言歸遨遊於終南太行之間見砥柱崔巍波濤洶湧知神禹之功與天地同一罔極土人告余曰砥柱山上有神女體態輕盈形容嬌艷時聞歌泣愴惻動人感而賦此其辭曰

溯河源發自崑崙之北兮曲流於於華陰太行之陽有美人孤立於三門之東兮振衣於萬尋千仞之岡仰羣峯而聳秀兮迴洪瀾以悠揚曾被神禹斧之鑿兮受日月之靈光乏因緣於廊廟兮漫聞陽春之曲乘舟楫於漣漪兮緩歌雲漢之章野處而窮居兮口欲言而囁嚅遠非以求是兮足將進而徬徨舞楊柳而望龍門兮不沾霧露於形骸抱琵琶而訴潯江兮莫辨滄海與田桑覽雲霞之奧蹟兮飲玉液與瓊漿伴嫦娥於桂府兮識謝女與蕭娘浩浩乎寄身天地

## 圖誌歌畧

七

飄飄乎任意翱翔氣嗅崧洛之蘭蕙兮葆蘊含真秀結藩籬之荳蔻兮窈窕依人色比澗溪之芙蓉兮濃淡相勻聲叶樓臺之蕭管兮樂奏鴻鈞雁覩之而高飛魚望之而深沉鳩娜兮似菡萏之吐艷寧馨兮若蘅芷之清芬雲籠鬢鳳兮偕鴛鴦而並舞墨染鬢鴉兮喚鷗鷺以同津畫黛兮爲眉點絳兮爲唇玲瓏兮無瑕溫柔兮可親姊妹飄零兄弟沉淪門無良友庭鮮佳賓梟鳴唁語於危崖兮乖其仁而離其義鵲淚猿啼於雲樹兮灰其志而傷其神含愁兮掩袖涕泣兮沾襟悲屈原而弔湘波兮豈徒增憾思魯連而望東海兮未爲無因撫松柏之蒼蒼兮疏著柯斧飲零露之瀼瀼兮美我甘飴定性忘情兮順橫流之軌道羨餘補足兮規夾岸之參差憫哀鴻之嗷嗷兮拯鯨寡孤獨之流離振名教之紛紛兮解農工商賈之憂思恨良人之不貞兮陷錦繡膏粱之俗習苦稚子之不寧兮生疏狂放蕩之節枝乏薪米以供炊兮每仰屋而呻吟潰牆垣而莫守

兮屢依人而護持日不就月不將兮恐爲豪強之奴隸朝莫保夕莫留兮或棄  
兒女以陵夷泣血椎心兮焉求焉往含辛茹苦兮何止何棲惟有結茅屋於太  
華兮煮星辰以爲飯瀉濁流於渤海兮決蓬萊以爲池任蜻蜓蝴蝶飛揚於光  
明兮破浪乘風而去去驅魍魎魑魅於幽暗兮蒼生黎庶以熙熙

### 八賢詩

并序

平陸鄆邑也而賢聖挺生代不乏人特擇其光諸史冊有功於世教  
者八人各繫一詩以誌向慕非敢稍加褒貶焉

### 許由

王從龍

仰止清風懷許由功名無累世無憂帝堯自是神明主野老何須左右籌潁水  
常浮紅日朗箕山高聳紫雲收皇皇聖語難容耳一洗能消萬古愁

## 圖誌歌畧

八

### 巢父

巢父牽牛過潁河不令牛飲下游波且看水上浮塵滓自覺胸中有太和萬國  
衣冠成傀儡百年名利付蹉跎山林深處休多事天子前來喚奈何

### 傳說

夫子身貧志不貧傭工曾在澗流濱誰知傳野林中客即是高宗夢裡人千里  
圖形來版築三篇說命盡陽春鹽梅終作調羹用伊呂之間社稷臣

### 百里奚

我愛鄉賢百里奚微時無計鑒藿蘩難留弱小居槐里忍見屢屋煮雌雞三仕  
不成羈楚北五羊贖命到關西功名雖晚精精神神健廊下聲歌識舊妻

### 孟明

無故興戎長寇讐孟明車馬出雍州峻陵道上連烽火曲沃城中作晉囚三戰  
三北君莫笑夙興夙夜誰與儔自從渡得茅津後蓋世功名到鳳樓

### 宮之奇

既明且哲宮之奇故國興亡豈不知庸主多貪失計早老臣幾諫掛冠遲夏陽  
風雨驚人日鈴阪旌旗假道時一族同行何處去虞廷滿眼草離離

### 周倉

義勇將軍神武姿兒童學語也能知短衣匹馬歸來日大戟長槍戰鬪時矢志  
扶持蜀社稷存心豎起漢旌旂至今閭里還祠廟留得英名萬古垂

### 李虞夔

都御當年仕有明明亡矢志不降清三千甲士輕驕虜五百英雄作義兵壁立

## 圖誌歌畧

九

東山悲往事澤流西夏仰勳聲我今學執董狐筆孤館青燈記姓名

### 八景詩

并序

王從龍

平陸居晉南鄙毘連雍豫設險築塞足爲屏障而襟山帶河風景尤佳如  
三門砥柱載在禹貢箕山潁水疊見史冊舜卒於鳴條尙遺古代封禪之  
跡縣乘所謂八景幾與燕京長安諸景相埒因各賦一詩以資遊覽云

### 三門砥柱

細從刊木溯前績砥柱神工亘古無八載功成秦地濶三門鑿就海濤輸騷人  
詩畫蒼苔老雲樹微茫遠山孤禹廟鐘聲鳴大夏斧斤痕跡未模糊

### 鳴條積翠

雷首東來王屋西鳴條高聳與天齊羣峰環峙羅青嶂歷代封禪印紫泥快雪

新晴豺虎遠深林古寺鳳凰棲分雲嶺下尋芳去清澗浮清路不迷

### 箕山夕照

九曲河流一鏡灣夕陽陰裏望箕山許由高塚煙霞外巢父耕田指顧間牧子  
常歌虞帝德樵夫猶唱禹功閑人生居此即行樂何必騎牛過遠關

### 茅津晚渡

征夫催棹渡茅津名利勞形過往頻兩岸青山隨處綠一行白鷺自相親風吹  
帆影連天遠日照霞光鋪地新孰謂波濤多險阻孟明曾是過來人

### 閒田春色

讀罷縣縣詩九章閒田春色共天長曾無粟米供王稅幾見采麻入帝鄉芮國  
河山仍古昔虞君俎豆尙芬芳相爭相讓足千古聖德堪與日月光

## 圖誌歌畧

十

### 虞城望雨（登大觀樓）

連綿風雨會虞城沽酒登來萬象生四面深林籠鳥住一泓流水傍山明黃河  
遠矚兼天湧紫氣遙臨匝地平省識條陽風物好大觀何須待公卿

### 金鷄夜月

步出城南五里岡鷄鳴月朗客思鄉遠山搖影白雲渺細草牽風翠帶長匝地  
淒涼聞鼓角滿天星斗煥文章年年重九登高日樂共良朋醉一觴

### 吳廟秋風

擲去烏紗學養生閒來吳廟聽秋聲白雲出岫山如畫紅日當天鳥亂鳴滿院  
松濤清有韻空庭竹影太多情一年好景君須記雨後梧桐看月明

清光緒三十四年初版

中華民國十九年七版

每部定價大洋壹角

著者

平陸王從龍

印刷者

北平華新印刷局

代售處

北平  
天津華新印刷局

平陸慶餘商店



# 古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室